

畿輔通志卷一百五十四

略一百九 古蹟一

城址一 順天 保定

順天府

大興縣

薊縣故城在今縣西南史記周武王克商封帝堯之後於薊

卽此春秋時爲北燕國都秦始皇二十一年取燕薊城二世

元年武臣將韓廣至薊自立爲燕王漢元年項羽更立其將

臧荼爲燕王仍都薊五年入漢仍爲國治

地理志屬廣陽國

後漢建

武二年漁陽太守彭寵反攻幽州牧朱浮於薊三年寵陷薊

城自立爲燕王五年寵平初平二年封公孫瓚爲薊侯瓚與

幽州牧劉虞不相能於大城東南更築小城以居晉建興二

年陷於石勒永和二年燕慕容儁攻拔薊城因都之寰宇記

郡國志云薊城南北九里東西七里開十門慕容儁鑄銅爲馬因名銅馬門也歷後魏隋唐皆曰薊縣爲州郡治遼始改名析津今改曰大興元至元四年於中都之東北置城遷都卽今治也案禮記樂記武王封黃帝之後於薊陸德明釋文今薊縣卽燕國都孔安國司馬遷及鄭康成皆以薊燕爲一而召公卽黃帝之後班固漢志亦謂召公封此或又謂成王時黃帝後封薊者已絕故更封召公於薊爲燕其說與史記封帝堯之後及封功臣召公之文皆不合史記正義召公始封蓋在北平無終縣以燕山爲名後漸強盛乃併薊徙居之其說是也又案明統志舊燕城在府西南遼金故都也朱彝尊曰下舊聞謂今之西安門去唐幽州城東北五里則唐時薊縣幽都皆當在大宛二縣西南

迴城在縣東南舊唐書地理志沃州濱海縣本寄治營州城

內州陷契丹乃遷於薊州東南迴城舊志有圍城在今縣東

南五十里

大清一統志

案今南苑迴城外有迴村村東有土城

基長一里高二丈餘凡五段雖去盧溝稍遠

春明夢餘錄云迴城在盧溝東

南而方向則合或卽遺址未可知也

舊聞考

謹案名勝志迴城在薊縣東唐遷營州於薊爲築此城近

薊邱旁

宛平縣

幽都故縣在今縣西南舊唐書地理志幽州領幽都縣管郭

下西界建中二年取羅城內廢燕州廨置唐書地理志隋於

營州之境汝羅故城置遼西郡武德元年改曰燕州六年自

營州遷於幽州城中貞觀二十五年徙治幽州北桃谷山天

寶元年曰歸德郡建中二年爲朱滔所滅因廢爲縣遼史地理志宛平縣本幽都縣開泰元年改今名

大清一統志

陰鄉廢縣在縣西南漢置屬廣陽國後漢省寰宇記在今薊縣南界良鄉東界固安北界三縣交入之地方輿紀要在府西南二十五里其遺址俗謂之籠火城唐武德三年竇建德遣將高士興擊羅藝於幽州不克退軍籠火城是也

廣平廢縣在縣西唐天寶元年析薊縣置屬幽州三載省至德後復置後又省國門近遊錄盧溝河南過長岡店而西有縣村疑是

俱同上

王河廢縣在縣西五代時置遼史地理志劉仁恭於大安山創宮觀師煉丹羽化之術於方士王若訥因割薊縣分置玉河縣以供給之在京西四十里金廢

大清一統志過長店岡而西

有縣村疑卽古玉河縣故址然唐時幽州管內尙有廣平縣

亦分薊縣置者所謂縣村究未定爲何縣也

國門近遊錄

縣西四

十里有城子村舊爲玉河鄉地與方輿紀要之說合當卽玉

河廢縣第故城已無遺跡耳

日下舊聞考

牙城在縣西南五里相傳唐藩鎮牙城也或云遼金別都亦

在此元遷都稍東舊城半入於朝市無迹可見西半尙存俗

呼蕭太后城旁有梁家園

大清一統志

元魏璠燕城書事詩山勢回環西北高強燕自古

出英豪地連雲朔偏宜馬人襲衣冠盡帶刀塵暗王樓無鳳宿雲埋金水似龍韜可憐一片繁華地空見春風長綠蒿

土城在縣西北得勝門外八里卽元大都故城也或謂之土

城關

同上國朝趙翼土城懷古詩并序德勝門外土阜木元都健德門故址然土人至今呼爲蕭太后土城必有

所自案遼聖宗母蕭氏最賢歧溝關之捷益津關長城瀛州之戰澶淵之役皆與聖宗同行此或其駐師地也郊圻

屹立土門崇遼后曾經此詰戎赤帝敢傷吾子白雌風偏勝大王雄封椿坐困南朝費歲幣終來內府充千載遺踪有雙

阜猶傳女隊簇妝紅 負展圖成鬢未華手攜嗣主戰邊沙
不聞宮掖悲人鏡肯使兵塵喪帝祀粉黛三千歌入塞燕雲
十六紀傳家笑他瓊島妝
臺女空把才名後代誇

舊燕城在縣西南遼史地理志晉高祖以遼有援立功割幽
州等十六州以予太宗升爲南京方三十六里卽遼故都也

雍正
志

良鄉縣

廣陽故城在縣東北漢置以其屬廣陽國亦謂之小廣陽後
漢初耿弇追賊至小廣陽卽此北齊省括地志廣陽故城在
良鄉東北三十七里舊唐書地理志歸義州歸義縣總章中
置處海外新羅在良鄉縣之古廣陽城又夷賓州領來蘇縣
瑞州領來遠縣神龍初皆寄治故廣陽城方輿紀要唐上元
三年史朝義自歸義東奔廣陽此廣陽爲密雲郡之廢燕樂

縣所謂歸義卽此城也舊志廣陽城在今良鄉縣東北十里

大清
一統志

陽鄉城在縣南二十五里舊店西一里許舊傳竇建德築

縣志

謹案一統志固安縣西北有陽鄉故城而此云在縣南二十五里舊店西豈竇建德所築別一城歟

固安縣

方城故城在縣南本燕方城邑漢置縣水經注聖水東逕方城縣故城李牧伐燕取方城是也魏封劉放爲侯國括地志方城故城在固安縣東南十七里寰宇記固安縣在涿州東六十里隋開皇九年自今易州涑水縣移固安縣於此取漢固安縣爲名唐武德四年移理歸義縣界章信堡貞觀元年又移今理故方城在今縣南十五里高齊天保七年省縣志

方成卽今縣西南方城村

大清一統志

臨鄉故城在縣南漢置元初五年封廣陽項王子雲爲侯國

屬涿郡後漢省入方城縣水經注地理風俗記曰方城南十

里有臨鄉城故縣也括地志臨鄉故城在固安縣南五十七

里

同上

陽鄉故城在縣西北漢初元五年封廣陽王子發爲侯國屬

涿郡後漢廢晉復置長鄉縣屬范陽國後魏曰萇鄉北齊廢

魏書地形志范陽郡萇鄉縣有長鄉城水經注地理風俗記

曰涿縣東五十里有陽鄉亭卽長鄉縣也按太康地記涿有

長鄉而無陽鄉寰宇記陽鄉故城在今縣西北二十七里亦

謂之長鄉城

大清一統志

案縣北有陽鄉在永定河南岸屬宛平

縣界乾隆十六年改名長安城爲伏秋防汛駐劄之所當是

古陽鄉地也

日下舊聞考

韓城在縣東南水經注聖水東南逕韓城東詩韓奕章曰溥彼韓城燕師所完王肅曰今涿郡方城縣有韓侯城世謂寒號非也縣志今名韓寨營在縣東南十八里案舊說皆以韓國在同州韓城縣顧炎武曰知錄辨之曰水經注引王肅言方城縣有韓侯城今固安縣卽漢之方城水經注又云濕水逕襄鄉縣之北界歷梁山南高粱水出焉是所謂奕奕梁山者矣曹氏曰武王子初封於韓其時召襄公封於北燕實爲司空王命以燕眾城之同州去韓二千里卽令公爲司空掌土亦惟發民於近甸而已豈有役二千里外之人而爲築城者哉況其追其獮乃東北之夷而蹶父之靡國不到亦似爲韓土在北陲之遠也又考王符潛夫論曰昔周宣王時有韓

侯其國近燕故詩云溥彼韓城燕師所完漢時去古未遠當

有傳授今以水經注爲定

大清一統志

武陽城聖水縣西北有武陽城相傳燕昭王所築

城邑考

謹案史記趙世家孝成王十九年趙與燕易土以龍兌汾門臨樂與燕燕以葛武陽平舒與趙此武陽之名所自始而史記正義於武陽下不注所在案水經注云易水東逕武陽城南蓋易自寬中歷武夫關東出是兼武水之稱故燕之下都擅武陽之名左得濡水枝津故瀆武陽大城東南小城卽故安縣之故城也又云武陽蓋燕昭王之所城也東西二十里南北十七里故傳逮述遊賦日出北薊歷良鄉登金臺觀武陽兩城遼廓舊迹冥芒蓋謂是處也據酈注東南小城云云則武陽城尙在漢故安故城之西北

而太平寰宇記易州易縣下云本漢故安縣也漢書文帝封申屠嘉爲故安侯地理志故安縣屬涿郡晉地道記屬范陽國案故城在今縣東南百步武陽故城東南隅故安城是也又云武陽故城卽燕之南鄙隋開皇十六年於故安故城西北隅置易縣卽今縣也據此則故安故城在故易縣東南而武陽故城在其西北僅去故易縣百步耳案宋時易縣卽今易州治是武陽故城在易州東南百步不得在今固安縣界至今之固安乃隋開皇九年始自易州涑水縣移置當酈道元注水經時所謂故安故城者尙係漢之故安也續通典云漢故安縣故城自在易州易縣東南七百步寰宇記之說武陽城是去漢故安故城西北六百步也豈得遠在今之固安界哉

永清縣

通澤廢縣在縣西寰宇記永清縣在幽州東南一百五十里
本漢益昌縣地隋大業七年於今縣西五里置通澤縣隋末
廢唐如意元年於今理置武隆縣景雲元年改會昌天寶初
爲永清縣以邊境永清爲名縣志今有北通澤村在縣西大

清一
統志

東安縣

安次故城在縣西北漢置後魏改置安城縣魏書地形志安
城縣有安次城蓋已非故治也後漢書注安次故城在今縣
東寰宇記縣在幽州東南一百里本漢舊縣東枕永濟渠唐
武德四年移於城東南五十里石梁城貞觀八年又移理今
縣西五里魏常道城開元二十三年又自常道城移耿就橋

行市南元升爲東安州明洪武初降州爲縣三年避渾河水
患又移置常道鄉張李店卽今治也縣志漢安次故城在今
縣西北四十里其址尙存俗呼古縣又東安舊州在古縣西
五里俗名舊州頭今皆有集石梁城在今縣東南舊州東南
五十里

大清一統志

謹案後漢書注及太平寰宇記疑唐初安次縣在常道城
故太子賢注云安次故城在今縣卽常道城東而樂史時之安
次縣則已在耿就橋行市南元之東安州亦卽在是至明
洪武初移治常道鄉之張李店爲今縣治則漢之故城卽
唐開元二十三年徙置耿就橋行市南之城也

常道城在縣西北三國魏甘露三年封燕王宇之子璜爲常
道鄉公北魏主宏又封宇文英爲常道鄉公魏書地形志安

次縣有故葭道城皆此城也縣志城在縣西北五十里同上

謹案遼史唐安次縣貞觀八年移理今縣耿就行市南之縣西五

里魏常道城則唐時嘗於此置治也

石梁城在縣東南案縣志在古縣東南五十里案其道里即

今灰城也日下舊聞考

謹案遼史唐武德四年徙置安次縣於東南五十里石梁

城則唐初亦嘗於此置治後徙耿就橋行市南遼金元並

因之觀遼史所云東南五十里則此城距耿就橋行市南

五十里也

香河縣

營州前屯衛在縣治東本在舊大甯衛境永樂元年移於此

方輿紀要明時衛署久廢今城內東北隅尚有前衛後衛地名

下舊
聞考

通州

潞縣故城在州東漢縣以潞水爲名水經注鮑邱水逕潞縣故城西漢光武遣吳漢耿弇等破銅馬五幡於潞東謂是縣也世祖拜彭寵爲漁陽太守治此舊唐書地理志崇州昌黎縣鮮州賓從縣神龍初皆寄治潞縣之古潞城寰宇記潞縣在幽州東六十里本漢舊縣通鑑契丹旣强寇鈔諸州皆徧幽州東十里之外人不敢樵牧趙德鈞爲節度使於州東五十里城潞縣而戍之民始得耕稼州志今州東八里甘棠鄉有古城周四里許如縣故墟蓋隋唐時潞縣治案水經注引魏氏土地記潞水在潞縣城西三十里寰宇記亦據其說是潞縣自唐以前雖嘗遷改而水在城西則不異也今潞水在

指掌記 卷一百五十四
州東自遼金至明不聞有遷改事惟通鑑載五代時趙德鈞
城潞縣其去州道里較寰宇記少十里遷治蓋在是時也大

清一
統志

古城在城東八里甘棠鄉周圍四里相傳爲前朝駐兵處今

觀遺跡乃似邑墟或曰卽潞縣

州志

後漢書五行志建武中漁

陽太守彭寵被徵書至明日潞縣火災起城中飛出城外燔

千餘家案古城遺址今尙存地名古城莊

日下
舊聞考

平谷故城寰宇記漢縣廢城在今潞縣北方輿紀要州北平

谷城漢所置縣屬漁陽郡後漢建武初光武遣十二將軍追

破大槍五幡於平谷卽此晉省石趙復置北魏太平眞君七

年廢入潞縣案平谷故城遺址無考

同上

安樂故城寰宇記漢縣廢城在今潞縣西北方輿紀要通州

西北安樂城漢漁陽郡屬縣晉屬燕國北魏太平眞君七年
廢入潞縣水經注濕餘水東南流逕安樂故城西更始使謁
者韓鴻北徇承制拜吳漢爲安樂令卽此城也沽水南逕安
樂縣故城東晉書地道記曰晉封劉禪爲公國俗謂之西潞
水也通鑑晉穆帝永和六年二月燕王雋使慕容霸將兵伐
趙軍至三陁趙征東將軍鄧恒惶怖焚倉庫棄安樂遁去與
幽州刺史王午共保薊徙河南部都尉孫泳急入安樂撲滅
餘火籍其穀帛霸收安樂北平兵糧與雋會臨渠後漢書吳
漢傳更始立使使者韓鴻徇河北或謂鴻曰吳子顏奇士也
可與計事鴻召見漢說之遂承制拜爲安樂令注云安樂縣
名屬漁陽郡故城在今幽州潞縣西北案安樂故城遺址雖
不存然方輿紀要旣云北魏廢入潞縣則在今通州境內可